



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Caput Secundum. De Institutione & necessitate Sacramenti Pœnitentiæ.

urn:nbn:de:hbz:466:1-40817

6 TRACTATUS VI.

CAPUT II.

De Institutione & necessitate Sacramenti Pœnitentiæ.

Quest. 1. QUANDO NAM Christus Dominus instituit Sacramentum Pœnitentiæ?

Resp. Huic quæstioni satisfacit Concilium Conc. Trid. Tridentinum his verbis: *Dominus autem Sacramentum Pœnitentiæ tunc præcipuè instituit, cum è mortuis excitatus insufflavit in discipulos suos, dicens: Accipite Spiritum sanctum: quorum remiseritis peccata, remittuntur eis, & quorum retinueritis, retenta sunt.*

Quest. 2. Quomodo probari potest, necessarium esse confiteri peccata sua Sacerdoti ad hoc ut aliquis possit recipere absolutionem in Sacramento Pœnitentiæ?

Resp. Hoc probatur primò, ex eo quod dicitur Act. 19. versu 18. *Multique credentium veniebant, confitentes, & annuntiantes actus suos: Et in Evangelio S. Matthæi, cap. 18. v. 18. Jesus-Christus Dominus noster sic loquitur Apostolis: Amen dico vobis, Quaecumque alligaveritis super terram, erunt ligata & in Cælo; & quaecumque solveritis super terram, erunt soluta & in cælo. Sic autem Divus Hieronymus explicat hæc verba Domini nostri Jesu Christi: Episcopus & Presbyter, non eos qui insontes sunt, vel noxii: sed pro Officio suo cum peccatorum audierit varietates, scit qui ligandus sit, quive solvendus.*

S. Hieronymus in cap. 16. Matth.

Sanctus Basilius expressè declarat, quod omnes Fideles tenentur confiteri peccata sua.

De Sacram. Pœnitentiæ. Cap. II. 7

Quoniam igitur, inquit, conversionis modus proprius esse debet peccatoris, & necesse est ut fructus ferantur qui deceant resipiscentiam, juxta quod scriptum est, facite fructus resipiscentiæ dignos, ne comminatio, quam subjecit, locum habeat, si fructus defuerint (nam omnis arbor, quæ non facit fructum bonum, exciditur, & in ignem conjicitur) necessarium est ut iis fiat confessio peccatorum, quibus dispensatio Mysteriorum Dei concedita est. Nam hoc pacto, & qui olim inter sanctos Pœnitentiæ egerunt, fecisse reperiuntur. Scriptum est enim in Evangelio, quod Joanni Baptista peccata confessi sint. In Actis verò, Apostolis à quibus baptizabantur, peccata sua confessi sunt omnes.

S. Basilius. In
Regulis con-
tractioribus.
Regula 188.

Sanctus Augustinus ait: *Amisâ confessione, non erit locus misericordiæ: tu factus es peccati tui defensor, quomodo erit Deus liberator? Vt ergo ille sit liberator, tu esto accusator.*

S. August. in
Psal. 68. con-
cione 1, in
fine.

Quæst. 3. Numquid Christus Dominus ante Resurrectionem suam, postquam egressus est è deserto prædicavit Pœnitentiæ, cum dixit Matthæi cap. 4. *Pœnitentiæ agite, appropinquavit enim regnum Cœlorum*, quæ verba declarare videntur, eum instituisse Sacramentum Pœnitentiæ ante suam Resurrectionem?

Resp. Non loquebatur in hoc loco Christus Dominus de Pœnitentiæ Sacramento, sed tantum de virtute Pœnitentiæ ad præparandum homines ad fidem, & Baptisimum, & ad suscipiendum Pœnitentiæ Sacramentum, ut notat Divus Thomas, dum ait: *Dominus in principio prædicationis suæ indixit hominibus, ut non solum pœniterent, sed etiam pœnitentiæ agerent, significans determinatos modos actuum, qui requiruntur ad hoc Sacramentum, postmodum instituendum.*

D. Tho. 3. p.
q. 84. art. 7.
in corp.

8 TRACTATUS VI.

Quaest. 4. Quænam est necessitas Sacramenti Pœnitentiæ?

Resp. Eam declaravit Concilium Tridentinum his verbis : *Est autem hoc Sacramentum Pœnitentiæ lapsis post Baptismum, ad salutem necessarium, ut nondum regeneratis ipse Baptismus.*

Conc. Trid. sess. 14. cap. 2.
S. Hieronymus scribens, ad Demetriadem.

Et ut ait S. Hieronymus : *Secunda Tabula post naufragium est Pœnitentiæ. Quod ita explicat Divus Thomas : Nam sicut primum remedium mare transeuntibus est, ut conserventur in navi integra ; secundum autem remedium est post navem fractam, ut quis tabula adhareat : ita etiam primum remedium in mari hujus vita est, quod homo integritatem seruet ; secundum autem remedium est, si per peccatum integritatem perdiderit, quod per Pœnitentiæ redeat.*

S. Tho. 3. P. q. 84. art. 6. in corp.

Quibus verbis, gravissimè admonentur Pastores de suis obligationibus, ut non solum summam curam adhibeant-ne pœnitentes sacrilegas faciant confessiones, verùm etiam ut inducant Fideles, ne in re tanti momenti quidquam prætermittant ; quoniam, ut ait Divus Augustinus : *Nulla satis magna securitas, ubi periclitatur aternitas.*

Quaest. 5. Contritio perfecta, & amor Dei, numquid possunt delere peccata sine Pœnitentiæ Sacramento?

Resp. Concilium Tridentinum huic difficultati ita respondet : *Docet præterea etsi contritio- nem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur : ipsam nihilominus reconciliationem ipsi contritioni sine Sacramenti voto, quod in illa includitur, non esse adscribendam.*

Ex quo patet, Sacramentum Pœnitentiæ in

De Sacram. Pœnitentiæ. Cap. II. 9

re aut in voto esse necessarium ad salutem lapsis post Baptismum in aliquod peccatum mortale, ut nondum regeneratis ipse Baptismus.

Utile erit hîc advertere, quod illi qui incidunt in aliquod peccatum mortale eo prætextu quia credunt quod facilè poterint obtinere remissionem per Sacramentum Pœnitentiæ, non solum in hoc magnam malitiam & ingratitude ostendunt, occasionem sumentes offendendi Deum, ex eo quod bonus est, & semper paratus ad remittenda peccata: sed etiam cum magna imprudentia & temeritate agunt, non solum quia facilè evenire potest quod in illo miserabili statu moriantur; sed etiam quia multæ occurrunt difficultates in praxi ad hoc ut aliquis veram possit agere pœnitentiam, ut nemo sensatus debeat velle sibi infigi similia vulnera, quia potest ab illis sanari.

Nec statim nobis Pœnitentiæ subsidia blandiantur, ait S. Hieronymus, quæ sunt infelicium remedia. Cavendum est vulnus quod dolore curatur: aliud est, integrâ nave & salvis mercibus, portum salutis intrare, aliud nudum herere tabula, & crebris fluctuum recursibus ad asperrima saxa collidi.

S. Hieronymus, Epist. 9. ad Salvi-
nam.

Verba Divi Ambrosii deberent nobis terrorem incurrere, dum ait: *Facilius inveni, qui innocentiam servaverit, quàm qui congruè Pœnitentiam egerint.*

S. Ambr. de Pœnitentiâ, cap. 10. lib. 2.

Et S. Pacianus nos admonet, quod *Baptismus est Sacramentum Dominice Passionis: Pœnitentium venia, meritum confitentis. Illud omnes adipisci possunt, quia gratis Dei donum est: labor verò iste paucorum est, qui post casum resurgunt, qui post vulnera convalescunt, qui lacrymosis vocibus adjuvantur, qui carnis interitu reviviscunt.*

S. Pacianus, Epist. 3. ad Sympron.